

قلبك حجر صوان



قلبك حجر صوان
وانا قلبي شجرة تين
تطرح ف كل أوان
ماتشتهيه العين
مشمش على تفاح
جايز كمان برقوق
وانا ابن عبفتاح
يام القوام ممشوق
لاحفني يوم سواح
ولأقول عليك جبار

حادعي ف كل صباح

تصبح (غريب الدار)

تسرح كمان بالطار

ونقول عليه داعييط

انا اللي كنت بسيط

أحلامي محدودة

ياحارة مسدودة

امتى يجينا النور

نكسر كمان السور

ونعدي ف الزحمة

ننده على الرحمة

تسكن حدانا ف يوم



تطرد سنين النوم
نصحى بقى ونفوق
ونفتت الصوان
نصرخ ف كل ميدان
دي حياتنا نختارها
ولا مرة نخسرها
وندوق كمان لوزتين
جنب البطين الايمن